



..

Beretning 2016 – 2017 – Meeqqat Ikiortigit – Red Barnet Kalaallit Nunaat

Qaammatit kingullit qulingiluat Meeqqat Ikiortigit-mut pisoqarfiusimaqaat. Siulersuisortaat 2016-ip ukiaagaa ikkuttut, peqatigiiffimmut sulinerminnut atatillugu sunniuteqarnissartik suliniutigisimavaat tunngavissamillu pilersitsiniarsimallutik angujumallugit pitsaasunik ingerlataqarnissaq Kalaallit Nunaannilu meeqqat pillugit pitsaasunik saqqummiussaqaqartarnissaq.

Siulersuisuni allannguutit

2016-imi 1. januar siulersuisunut ilasortaq Rebekka Bisgaard aaliangerpoq tunuassalluni. Taamaattumik sinniussusaq Anne Marie Lei siulersuisuni suleqataalernissamut aggersarneqarpoq, ullormiillu taaneqartumit peqataalerluni.

Periusissiat/siunnerfiit nutaat

2016-imi siulersuisunngortut aaliangiipput peqatigiiffik nutaanik periusissitussallugu, tunngavigiligassaani ukiuni 2017-imiit 2021-imut siunissami sulinissamini tunngavigiligassaani.

Periusissiornermi qitiutineqarput sinniisutut oqaaseqartartuunissaq, aammalu suleqatissanut nutaanut siammasinnerusunik tamakkiinnerusumillu aqqissutissanik isigisunik pilersitsinissaq, peqatigiiffiup toqqammavianik ineriartortitsinissaq imminerlu kajumissutsiminnik nutaanik suleqatissarsiornermi pioreersunillu ineriartortitsinissaq, kiisalu siunnerfigineqarpoq Kalaallit Nunaani sumiffinni amerlanerusuni pisartussanik aallartitsiortortalernissaq.

Kiisalu ineriartortinneqarlutillu aallartinneqassapput ingerlatsinerit peqatigiiffiup aningaasaqarniarneranut ikorfartuutaasinnaasussat, taamatut iliornikkut pitsaanerusumik periarfissikkumallugit, nutaanik isumassarsiornerit, periarfissarsiornerit aammalu ingerlaavartumik pisartussanik pilersitsinissat.

Periusissiat Meeqqat Ikiortigit siulersuisuinit martsip qaammataagaa ukioq 2017 akuerineqarput.

Attaveqarnermut atatillugu periusissiaq

Ukiuni kingulliinerusunik Meeqqat Ikiortigit tungaannit sinniisutut oqaaseqartartuunissamik qitiutitsineq tunngavigalugu, siulersuisut peqatigiiffimmut attaveqarnermut atatillugu periusissiuussisimavoq naammassineqangajalersumik allartitalu ataatsimiitinneqareerpata siulersuisortaanit akuerneqarlunilu atuutsinneqalersussamik.

Aqqissuusaanikkut ineriartortitsineq



Ukioq 2016 Meeqqat Ikiortigit siulersuisuisa saqqummiuppaat aqqissuussaanikkut imeriartortitsinissaq imartooq, tassalu ukiuni marlunni tulluuttuni peqatigiiffinnik 3-nik sumiiffinni pingasuusuni pilersitsinissaq. Taamatulli angusaqaruman1q tunuartinneqartariaqarsimavoq, pilersitsiniarneq naatsorsuutigisamit piuminaannerullunilu oqimaannerummat, aammalu tamatuma nalaani illoqarfanni attaveqarfisani suliniartuusut, tigungmiinnarneqarsinnaajunnaarsimammata.

Taamaattumik siulersuisut allatut siunnerfilersuillutik sulisariartariaqalersimapput ilaatigut misissorlugu qanoq iliorluni allatut aqqissuussaneq ilusilerneqarsinnaasoq, taamallu Kalaallit Nunaanni maannamut sumiiffinni peqatigiiffioreersut, meeqqat atukkamik ikorfartorneqar-nissamik pisariaqartitsissut avataani ittut, aqqissuussivigineqarsinnaasut.

Pilersarusiornermut pisortamik atorfinitsitsineq

2016-imi aallartitanik ataatsimiititsinissaq pinngitsiartooq peqatigiiffimmi siulersuisut oqaluttuarisaanermi siullerpaamik, pilersarusiornermut pisortassamik ”meeqqat tamarmik angerlarsimaffissaqarsinnaatitaapput” qulequtaralugu inerisaallunilu pisussanik aallarnisaasussamik, atorfinitsitsipput. Tassungalu inissinneqartoq, Kamilla, iluatsilluaqisumik sumiiffiusumi peqatigiiffiup sulineranik ikorfartuivoq imminnerlu piumassutsiminnik sulisussanik pissarsiortorluni.

Atorfeqartitsinerli 2018-imi januarip qaammataanut taamaallaat atuuppoq, sivitsuisinnaanermilli periarfissaqartitsinertaqartumik, apeqqutaalluni pilersaarutinut peqatigiiffimilu aningaasanik qanoq tunuliaqutsiisoqarsinnaaneq.

Aningaasaqarneq aningaasassarsiornerlu

Siulersuisut ingerlaavartumik aningaasassarsiortarsimapput isumannaarniarlugit peqatigiiffiup ingerlatsinerlutik ingerlanniakkanullu aningaasassaqaarnissaa. 2017-imilu peqatigiiffik Tips og Lottop aningaasaataanit 90.000 kr.-inik pissarsivoq.

Taamanilu aningaasassarsiornermi aallaviunerpaasimavoq ”meeqqat tamarmik angerlarsimaffissaqarsinnaatitaapput”-mik taallugu ingerlanneqartoq, tassanilu pilersarusiornermut pisortaatitaasoq annertuumik sunniuteqaqataasimavoq.

2017-imilu pilersarusiamut tamakkiisumik kr. 417.319-it pissarsiarineqarsimapput. Taakkunannga Ladies Circle Charity dinerimit pissarsiarineqartut katersuilluni nerisitsinermit februarimi pisumit kr. 167.319-it pissarsiarineqarsimallutik, Den Grønlandske Fondimit 50.000,- kr. Tips og Lottollu pilersaarutinut aningaasaliissarfianit pissarsiarineqarsimallutik kr. 200.000,-it.

Allat saaffigineqartut pissarsiffiusimanngitsulli tasaaasimapput: Dronning Margrethe og Prisen Henriks Fomd. Oak Foundation aammalu Nuna Fonden.



Pilersaarutit

Siulersuisut aammalu peqatigiiffiup periusissiaa Nuummilu peqatigiiffik suleqatigiillutik ukiuni kingullerni ingerlanniakkanik angisuunik marlunik siunnerfiliorsimapput.

Meeqqat tamarmik angerlarsimaffissaqarsinnaatitaapput

Pilersaarusionermut pisortamik atorfinitsitsinerup kingorna, ”Meeqqat tamarmik angerlarsimaffissaqarsinnaatipaapput” inerisaqqinneqarsimavoq allanngulaarlugu, tunngavianili siunnerfiusut tigummiinnarlugit, tassalu immikkut iliuuseqarfigiومانeri meeqqat angerlarsimaffimmi avataanut inissinneqarsimasut.

Pilersaarusiame angujumaneqartut allanngortinneqalaarsimapput siunnerfigineqarlutik meeqqat angajoqqaarsianut inissinneqarsimasut, sulili angajoqqaavimminnut attaveqartuusut. Tassani qitiusutut anguniarneqarpoq meeqqat amngajoqqaavimminnut ajungitsumik attaveqartinneqartuarnissaat aammalu taakku angajoqqaarsiaasullu akunnerminni suleqatigiissilluarnissaat, taamallu angujumaneqarluni meeqqat siunissami ajunngitsumik alliartorsinnaanissaat.

Pilersaarutaasoq ingerlanneqartorlu, Kommuneqarfik Sermersooq aammalu Nuummi tarnip pissusaanik ilisimasaqartoq Naja Lyberth, pineqartup iluani ilisimasaqarluartuusooq, suleqatigalugit.

Augustip qaammataani aallartinneqassapput pisussanik pilersaarusionerit ilinniartitsinissallu kiisalu ilinniusiat Naja Lyberth aamma Red Barnet Danmark suleqatigalugit suliarineqartussat.

2018-imi Januarimi saaffiginiakkat anguniarnerat aallartinneqassaaq, aaliangiisuussalluni aningaasaliissutissanik qanoq pissarsisoqarsinnaajumaarneq.

Qarasaasiatigut isumannaatsumik attaveqarsinnaaneq

Qarasaasiat atorlugit isumannaatsumik atuisinnaaneq – ”Chat Paaralugu” qallunaat ingerlataannit ”sikkerchat.dk”-mit kalaallisunnngortitsineruvoq. Tassani suleqatisiarineqarpoq ”PiSiu” (Kalaallit Nunaanni pinerlutsaaliuinermik siunnersuisoqatigiit). Tassanilu siunertaavoq Qallunaat Nunaani nittartakkamik tunngaveqarnissaq, uagulli nammineq nittartakkatsinni kalaallisunnngorlugu.

Ukioq kingulleq ingerlanniagaq assigiinngitsutigut aningaasassarsiuunneqartaraluarpoq, iluatsinngitsumilli.

Meeqqallu Ikiortigit qanittukut ilisimatinneqarsimavoq PiSiumi sulisoq suliuunnaarsimasooq, taartissaanillu pissarsisoqarsimanngitsoq. Taammaattumik pilersaarutaasup qanoq ingerlanissaa siulersuisunit aaliangiiffineqartussaassaaq.

Klubbi Kaassasuk

Upernartoq Meeqqat Ikiortigit Als Research-imit pilersaarummik siunnersuuteqarfigineqarpoq Klub Penalthus-imik taasamik kalallisuunnortitsinnaanermik. Pilersaarullu taanna pillugu



suleqatigiinnissamik isumaqatigiissusiortoqarpoq, maannalu Als Research kalaallisuunngortitsisinnanissamut aningaasaliisussarsiornermik ingerlataqarpoq peqatigalugit Kalaallit Nunaanni suleqataasussat allat, soorlu Kalaallit Nunaanni Ilinniartitaanermut Aqusisoqarfik, Nunatta Atuagaateqarfia, Kommuneqarfik Sermersooq qallunaallu ilisimatuui arlaqartut il.il.

Suliffeqarfinnik suleqateqarnek

Maanna Meeqqat Ikiortigit suliffeqarfinnik STARK-imik suleqateqarpoq, tassani STARK-imi pisiniartut 25- kr-inik naleqartumik værdikupon-isisinnaatinneqarlutik. Taamallu pisoqaraangat aningaasat isertut taakku tamarmik suliniummut “Meeqqat tamarmik angerlarsimaffissaqarsinnaatipaapput”-mut sumiiffigisami (pisiffiusumi) nakkartinneqartassapput.

Suleqatigiinnermilu Meeqqat Ikiortigit værdikupon-inik tuniniaanermi minnerpaaffiligaasumik pissarsisussanngortitaavoq katillugit 25.000,- kr.-nik naleqartumik

Suleqatigiinneq suli ingerlavoq ingerlassallunilu November 2017 tikillugu. Kisiannil taamatut suleqatigiinneq iluatsippallaarsimanngilaq killiffissiuinnermilu STARK-ilu isumaqatigiissutigineqarsimavoq, suleqatigiittoqaqqissappat allatut eqqarsarluni suleqatigiissusiortoqartariaqassasoq.

Rad Barnet Ungdom-imik Nordic Cooperation-imillu suleqateqarnerit

2016-imi aallartitanik ataatsimiititsisoqarmalli Meeqqat ikiortigit tungaanit Red Barnet Ungdom suleqatigiissinnaaneq pillugu oqaloqatigineqarsimavoq.

Suleqatigiinnermi siunertaavoq misilittakkanik paarlaasseqatigiittarnissaq aammalu immineq kajumissutsiminnik sulisunik pikkorissartitsinissaq. Tamannalu aallaavigalugu maanna nunani avannarlerni sulinaqatigiiffik Nordic Cooperation, Red Barnet Ungdom-ip ilaasortaaffigisaa, oqaloqatigineqarpoq.

Red Barnet Ungdom-imik suleqateqarnermi isumaqatigiissutaavoq uagut taassuma Nordic Cooperation-ikkoortumik pilersarusiornerani ilaanngunneqassasugut aammalu siulittaasumit uagut siulersuisortaagut suleqatigiinissaq pillugu attaveqassasut.

Kalaallit Nunaata avannaani ajunaarnersuaqarnek (tassaarsuaqarnek)

Nunatta avannaani ajunaarnersuarmut atatillugu siulersuisut meeqqat oqaloqatiginissaannut atatillugu ilinniartitsisunut isumassarsiorfissanik naqitannguilluni suliaqarsimavoq tassani pisumut atatillugu meeqqat qisuariaatigisinnaassaat qanoq eqqumaffigilluarneqassasut nassuarneqarlutik. Atortussiallu kalaallisuunngortinneqarsimapput sapinngisamillu piaarnerpaamik pineqartut Nunatta avannaani atuarfinnut nassiussuunneqassallutik.